

常藏無哀愍

天室寺道場

於中藏汙行

如是諸類等

忿怒皆摧壞

破三昧耶禁

不知相應明

乃至微虧行

忿怒皆治罰

人間一切處

不可免放逸

放逸心染著

若毀三昧耶

忿怒王得便

愚夫一切處

隨順於放逸

修行真言者

應離欲解脫

如聲聞緣覺

忿王無能逼

曼殊悲愍心

說如是語已

諸佛難思行

及菩薩大威

作如是語已

寂默而安住

爾時吉祥大威德金剛手菩薩既蒙印可踊

躍歡喜復引手捫持金剛杵

大東方廣曼殊室利菩薩華嚴本教讚聞曼
德迦忿怒真言大威德儀軌品

大方廣曼殊室利童真菩薩華嚴本教讚聞
曼德迦忿怒王真言阿毗遮嚕迦儀軌品

唐三藏沙門大廣智不空奉 詔譯

爾時金剛手秘密主觀察大集會眾及淨居
天宮坐眾作是告言汝等應聽忿怒王無比

威猛曼殊室利之所說治罰難調者乃至斷
命令順伏故先且說畫像儀軌爾時金剛手
祕密主以偈宣說而作是言

不擇日吉宿 亦不限齋戒 怖畏冤敵故
應畫忿怒像 於黑分八日 及以十四日

第十

十三

當於塚間取 纏屍梵志衣 應於中夜間
以血漬其氎 又以水洗之 應令曬曝乾
猛惡性畫師 起忿形可畏 黑分於塚間
三夜畫令成 八夜十四夜 以犬脂然燈
畫人當應住 面向於南方 藉以髑髏坐

護定心身住 或行者自畫 怖冤所陵逼
當於初夜分 寃者自燒然 二更著寒熱
神著皆昏悶 三更捨其命 死已往他世
云何彼安然 懷惡於行者 寃對身枯爛
其家乃滅門 由畫此像故 間曼德迦像
六面六手足 黑色肚如狼 持髑髏鬚怒
虎皮以為裙 持種種器仗 棒手而可畏
眼赤暴惡形 三目為標幟 豎髮熾火焰
或暈黑烟色 亦如安善那 夏雨玄雲色
其狀如劫燒 應畫兼水牛 忿怒暴怖事

能壞噓那囉	亦斷閻摩命	忿猛為常業
恐怖極操惡	怖中極凶怖	能殺諸有情
應畫是忿怒	自血以為色	調和色暈淡
犬脂和牛酥	盛以髑髏器	死人髮作筆
管以犬骨為	斷食而應畫	自作或使人
廣獻食華等	赤鬘紫檀香	犬肉為焚香
人脂燈莊嚴	正畫像之時	初中後供養
畫像應分明	訓賞畫人功	廣多與價直
令彼心歡喜	無間應作之	大猛利事業
買所用諸物	勇士不訓價	所作剋成就

以種種供養	賞彼畫像人	令喜斷希望
應當護彼身	不爾損於彼	并其家眷屬
亦應護自身	念誦應畫之	是則為儀軌
分明作此像	纔見滿意願	成辦一切事
暴冤作害者	應持妙像去	隨意所樂求
大用及悖王	大富縱逸人	尤增上慢者
兇暴惡業人	不益於三寶	斷見嫌真言
不敬真言士	或嫌敬彼者	亦嫌持誦人
輕忽真言者	作法如儀則	常不樂善法
逼惱諸有情	為彼應作法	不久命當絕

取木槌皮葉	并根及子果	醋漿乃相和
及以人骨糝	芥子油并毒	酸思子生薑
及赤芥子糝	盡以人血和	并置於像前
行者面向南	尊像面向北	像前作軍荼
苦木以然火	或燒其刺木	於彼爐應置
相和以護摩	具知儀軌者	則當召火天
以忿怒明王	即結輸羅印	通一切事業
千八徧投火	皆作大忿怒	初則兒凋喪
次及眷屬亡	第二主及妻	并以親族滅
第三彼皆死	如教應當知	對於此像前

中夜應念誦	為損彼怨故	如是應隨順
彼國當滅亡	軍衆著疫病	火起大風起
暴雨而霖霪	一切軍大衆	他敵來討罰
有種種災難	及諸疾病起	一切身枯悴
為彼悖王作	成就不應疑	非人徧充滿
其家亂鬭諍	寢息不得安	其地悉旋動
羅刹吸精氣	皆圍遶其家	逼惱悉怖畏
憂煩至楚苦	無能救護彼	自在等地天
梵天等護世	忉利天帝釋	一切真言天
世間諸天等	纔見此威怒	彼命即殞絕

中夜及日中	持誦經若念	閻魔王躬親
令彼身震裂	隨樂於黑分	安立是尊像
廣作供養食	於曠野塚間	迴樹稜識廟
山間及巖窟	無侶當獨居	常應作此法
寂靜大蘭若	於空天空中	空屋及河側
海岸應往彼	如是等類處	住彼隨意樂
於百由旬內	應作如是法	如是說事量
清淨當作之	應住不放逸	清淨離愛欲
真言境界不思議	真言所行不思議	
真言神通不思議	行者成就不思議	

所作事業不思議	所獲果報不思議
今現怒王閻曼德	是大威德業神通
所生遊戲神通境	行者成就不思議
顯現於此瞻部洲	一切菩薩大威德
彼皆無能為加護	何況世間諸真言
一切執曜及母天	伊舍那等為毗紐
婆數童子天	乃至天帝釋
能護持彼人	佛子及菩薩
緣覺及聲聞	離欲大威德
所作先本誓	不能護持彼
我今略宣說	應聽求富貴

損害持誦者	無有能禁制	不喜持明人
云何得災息	若發淨信心	兼生悲愍意
持誦忿怒王	大威闍曼德	是時災害除
便護其身命	白氎芥子油	五種尾衫藥
犬血及犬肉	三辛鹽芥子	螺棘酸思子
海鹽陀咄根	^{葉十} 及俱舍得枳	^{十六} 訖麻根麻灰
紅藍華根棘	與摩陀那根	葱蒜波羅奢
區吒迦及韭	蘇羅并藥酒	如是藥等分
投於像前爐	燒滿一千八	冤家根裔殞
親族并朋友	護天及營從	種末皆殄除

至於第二徧	持誦者護摩	則令彼土境
井邑皆飢饉	亢旱及疫疾	羅刹皆充滿
失火并兩石	霹靂與霜雹	於聚落村坊
乃至悖王境	有多逼惱生	敵軍來討罰
彼境生災祥	種種不祥類	燒度度羅根
彼人即癡狂	常燒辛辣物	徧身如火焚
若燒極醋物	彼著寒熱病	生於彼身中
悖王憍慢者	大用富燥惡	依轉大軍衆
二夜或七夜	令彼命終盡	彼人所事天
及其屬星宿	用以燒屍灰	畫彼等形狀

對於尊像前	以脚踐其頂	念誦仍忿怒
令彼悖僞王	忽然種種病	大患所侵陵
刹那頃殄滅	猛獸啣咬死	或被損肢節
或復羅刹吞	穢惡非人類	食肉布單那
毗舍遮餓鬼	及與諸母天	自身及侍者
須臾頃壞滅	素十 吉祥持金剛	十七 處衆而說已
徧禮一切佛	默然而安住	利益世間故
復作如是言	一切藥叉衆	藥叉女真言
菩薩之所說	及藥叉將主	藥叉女教倫
一切恣受用	鉤召及敬愛	諸惱不蠲除

求染真言者	愛暗昏其慧	不能於對治
以佛戒制斷	無始墮輪迴	數習深可愍
從苦至於苦	佛故說惡趣	若能護諸根
梵行獲善趣	是故樂寂靜	究竟證涅槃
三業秉平等	獲得證圓寂	顛倒吞惡慧
愚者染昏昧	生死惡稠林	輪轉於五趣
哀愍彼苦故	聽受用貪染	能遮一切罪
及斷三種過	奉順法王教	解脫諸結縛
爾時寂靜慧菩薩摩訶薩	在彼大衆集會而	坐即從座起頂禮一切如來於集會中住遶

釋迦牟尼佛三帀接佛雙足虔恭長跪即觀
金剛手藥叉之主作如是言汝極暴惡金剛
手爲諸有情宣說殺害一切有情及聽一切
貪染真言教法佛子諸菩薩非如是法夫爲
大菩薩從大悲所生行菩薩行利益以增上
意樂正行故不離諸有縛佛子如來應正等
覺爲一切有情說損害諸有情法大悲成就
故於諸有情利益安樂增上意樂故爾時金
剛手菩薩摩訶薩告寂靜慧菩薩言寂靜慧
菩薩如是學如是住如汝所說如汝所顯示

如一切佛菩薩大威德者說我亦如是說依
勝義實際法作如是說
實際不思議 異熟不思議 佛法不思議
菩薩不思議 調伏有情行 行行不思議
菩薩之所行 故稱不思議 於諸真言教
威德不思議 忿怒王真言 大威間曼德
神境不思議 大威不思議
寂靜慧不思議 菩薩摩訶薩等流界有情界
所生如是寂靜慧真言行菩薩應發如是心
若行婬欲於諸有情獲罪無量墮於大那落

迦作瞋怒有情亦獲罪無量勿令有情於三種菩提無所堪任寂靜慧如是持真言菩薩發如是心我以善巧方便作阿毗遮嚕迦於一切事業不應取相不應執不善應學調伏有情方便以大悲纏心復次佛子法非法淨非淨善非善感應化有情善巧諸佛菩薩從法界所流出修行教法即以此教於有情方便說成熟有情故應如是正住佛子我等應如是學所謂調伏有情成就有情寂靜有情彼佛子所入曼荼羅集會盡皆應聽淨信善

應觀察善不善所謂如來說法深生愛樂不應疑謗爾時寂靜慧菩薩摩訶薩觀察默然而住佛法不思議如是作意則瞻仰如來時金剛手祕密主觀察大衆集會復說忿怒王教法教大衆言汝等天衆有情界所依鬼神衆行者先應護自身取忿怒王像住於一處第十九所謂於摩醯首羅陵誡廟以毒藥芥子犬血和漿水塗有陵誡取白氎葉供養取人腸以爲神線角絡纏之以右手持人髑髏擲打陵誡左手頭指擬大怒而住彼憊王陵蔑及餘

永樂北藏

忿怒王阿毗遮嚕迦儀軌品

第一三二冊

惡人大用大富暴惡主宰其作法處閉門裸體披髮以左腳踏摩醯首羅陵誡擗裂兩段聞大叫聲不應怖畏即其日悖王及餘大惡朋黨冤敵則被大寒熱病所持或非人或羅刹所著又更須更頃念誦其冤敵於刹那頃殞矣若至連夜誦彼家眷屬滅壞

又法日中至於摩醯首羅廟取苦楝葉獻之燒犬肉充焚香誦真言其冤家被火燒然即著瘡病戰慄若念誦不間瞋怒住摩醯身右邊即彼冤喪滅若欲令如故者又以水洗陵

誡復冷牛乳浴之還復如故

又法摩醯首羅陵誡右邊然摩捺那棘木柴以毗黎勒木搵毒血芥子油投火一千八徧其冤家著大患無能醫療者第二日即以大寒熱病及大病所持或著種種病或非人所持致死第三日三時念誦其命悉皆捨欲求如故以乳摩彼聚落及冤家悉得安樂如是彼人所事一切天一切鬼神以腳踏持誦之書彼人所屬星宿以左腳踏之唯除如來所說真言諸餘一切世間真言皆驚以左腳頭

指踏而作法持誦未修成就忿怒王纔誦能
成辦一切事業亦能壞一切真言亦能害一
切冤敵亦能破一切真言法我今略說隨修
行者依一切世出世間真言儀軌設本教不
說取餘部尚獲一切成就纔念誦能滿一切
意願纔讀忿怒王獲得最勝成就二十隨意樂起
心亦能摧一切冤對結輸羅印相應成辦一
切事

又法午時至於屍林燒屍處一日一夜不食
於黑分十四日取屍林柴燒火毒藥芥子與

血相和誦真言一徧一燒即聞訶訶聲一切
餓鬼則來不應怖畏則告彼言爲我害彼冤
敵其鬼聞此言已唯然受教隱而不現假使
千由旬須臾頃即至當害彼冤敵及家族如
是多種事業悉地皆能成辦

又法於清閑寂靜處取白氎子誦真言一徧
一燒一千八徧以左右手各別取其灰以一
片淨物分爲兩段撮繫之灰置一灰裏於瓦
枕中又以一瓦枕蓋之誦真言加護其物至
於大屍林黑分十四日夜或黑分八日夜住

於燒屍處面向南置二器於身前裸體披髮
忿怒無怖畏心誦真言一萬二千徧加持其
物即得成就或有非人索成就物不應與之
若強奪灰誦忿怒王真言及稱吽字刹那頃
不現左右手所取灰各分明記之不應放逸
作加護至於晨朝澡浴著淨衣服當歸本處
以先右手所取灰加持者取是灰散於一切
鬼神類天龍藥叉頂上則成敬愛以左手加
持灰者散於一切丈夫女人頂上皆令敬愛
取右邊灰散於臍即成非男散於生支不能

爲世事受用染法行於邪行若人寵愛於彼
女人以灰散其隱處不能於餘男子行於非
法即其根毀壞若於本夫交會其根再得調
適如是散於男子生支便萎悴其男子不能
於餘女人受用行染復於本妻生支能起世
事男子女人取其本灰散其根門互相情重
若餘男子女人強相逼近即彼根蛆爛被蟲
咬食因茲困頓月內皆臭惡氣如死屍以大
患纏綿其丈夫生支腫由此因緣乃至命終
無能救濟者以此灰所作皆得成就又以灰

塗手觸彼皆得成就若自作或令他作亦皆
隨意成就如其觸不得者取灰吹之其灰到
彼身分處或散或想而散之皆成辦一切事
又或自作令他作隨意成就無異皆功不專
捐又坐物氈被等種種嚴具種種器仗所乘
華筵傘蓋一切資具類飲食等身所用家具
華勑婁藤及果子塗香燒香皆以灰散彼冤
敵蚤虱壁虱及餘蟲等充滿喫食極受楚苦
乃至七日當殞一切醫師無能療者及餘諸
天不能制止一切真言不能擁護除彼人與

者作法令如故以甘草青蓮華白檀香以清
水相和研令碎塗彼人身從頂至足以聖曼
殊室利根本真言加持即愈

又法於上風立一切茶枳尼及憍慢女人處
作是法非餘處散其灰非是思惟令彼女人
無根及妳若為男作即無生支及髭鬚毛髮^十
亦能成辦種種事教彼男子女人令作亦得
成就隨想與彼人灰教令作之亦成如是令
彼患大疾心思惟觸其頂患頭痛觸口即口
中生瘡乃至次第觸心心痛觸肚肚痛觸脚

永樂北藏

忿怒王阿毗遮嚩迦儀軌品

第一三二冊

脚痛觸脛脛痛流血惡病血等令彼所患乃
至令身死枯竭墮落鈎召令調伏墮彼人所
樂作一時成辦皆得乃至損滅鈎召敬愛遙
作亦得成就

又法於深井上風立即以二手捧其灰散於
城牆却敵崩倒其將帥屋宅被火所燒被他
敵來破令彼大難逼迫棄本所居奔馳逃散
被他掩襲

又法他敵來順風散灰設彼軍衆力强即自
破壞被大熱病所患象馬車及步兵壞散被

他所擒如是無量種事隨意摧壞冤敵皆得
成就以此法亦能護自身及營取軍衆若欲
令彼如故對忿怒王像前用乳護摩一千八
徧彼得安樂無能沮壞

大方廣曼殊室利童真菩薩華嚴本教讚聞
曼德迦忿怒王真言阿毗遮嚩迦儀軌品

